

須呵，雖然恁麼，末後事如何，拋火把，石女舞成長壽曲，木人唱起太平歌，喝一喝。

芳園妙椿信女下火 預請

這一株無根大椿，花開花落幾回春，毘嵐昨夜忽吹倒，驚起南華夢裏人，夫惟芳園妙椿信女，截髮陶母，斷機軻親，預懼未來兩果，逆修現在三因，聞麼，溪聲廣長舌，見麼，山色清淨身，龐老登心空第，龍女獻無價珍，吾這裏密密處處不通，凡聖了了時何分，主賓雖然恁麼，向上一句如何指陳，拋火把，只將補袞調羹手，撥轉如來正法輪，喝一喝。

玉浦妙珍信女下火 預請

火把打圓云，價直三千衣裏珍，靈光不昧絕縹緲，百年夢覺後消息，翡翠簾前月一輪，夫惟玉浦妙珍信女，佛見忽盡，凡情已泯，繡鞦勒前，入吾室，受八齋戒，珠羅漢後，證聖位，超二乘，倫鶴算龜齡，王母蟠桃結實，烏飛兔走，姮娥靈藥，頤神開慶，溪聲廣長舌，見麼，山色清淨身，雖然潤麼，倩女離魂，那箇是真，若復不會，我指陳去，擲火把，冷灰撥出玉麒麟。

賢屋利養大姊下火 預請

長養功成不記年，浩然一氣自完全，眼光落地底時節，朵朵新開臘月蓮。

## 附錄

後平城帝宸翰

朕參禪年尚矣，祖師許多話頭，古則一一參究，一一證明，舉本有圓成話，而獲聞未聞焉，後一日在別峯，直與德雲比丘相見了也，從前參得底悟得底，一時瓦解，冰消洒洒地，落落地，從是不受佛祖瞞，受用確乎得大安樂，此恩甚深，何日報謝盡，縷縷不宣。

天文壬寅五月十三日

大休上人禪室

大休和尚上

後平城帝法語

世尊付正法眼藏於摩訶大迦葉以來，不移易一絲毫，東西諸祖的的相承，直至山僧也，恭以日出處國百六代，聖天子參吾禪年尚矣，一日召再三請益，奏以本有圓成話，陛下答處，百了千當，如珠走盤相似，山僧抵掌奏曰，徹矣，蓋冷笑蕭梁武帝，熱瞞李唐肅宗者，非陛下其誰乎哉，願保寶祚萬安，永為佛法檀越，珍重。

天文十一龍集壬寅迎佛會辰 奉詔住妙心臣僧宗休謹書

後平城帝圓滿本光國師徽號宸翰



朕曩時聞大燈正傳挑在師之室下詔迎師入內密參垂語受其示誨有年于茲矣得師印證之後欲以國師稱之未遂其志遺道風於北闕輯德化於西京本體如然靈光寔大人妙用也蓋例在日之旨以特賜之號稱之爲圓滿本光國師云爾

天文十九年二月七日 御押  
大休國師門徒等

後平城帝本有圓成國師徽號宸翰

朕召本光國師而參得關山祖拈得底本有圓成之公案得大機大用而今當祖忌二百年勅諭本有圓成國師以酬恩報德云爾

弘治三年三月十二日  
微笑塔下

大休號

宗休首座需別稱命之曰大休仍頌以爲證云

千峯勢到嶽邊止萬派聲歸海上收林下何曾換朝市縱經塵劫不回頭

永正元年十一月日 前大德特芳叟

住正法山妙心禪寺山門疏

東山雪嶺和尚製

正法山妙心禪寺山門欽奉 北闕綸旨敦請前第一座大休禪師住持本寺爲國開堂演法

祝贊皇圖萬安者右伏以法社擇師海棠多甘棠少學徒克己初節易晚節難久厭見賈浮圖忽欣逢佳衲子共惟新命堂上大休大禪師舌走霹靂眼空乾坤虛堂稱慧海航心涵千古洋嶼爲法門鼎名重諸方迺祖行道獅擲象旋後昆興家鳳毛麟角教靈禪府蚤檢永明百卷書棒雨喝雷晚佩臨濟三要印疑慈氏之下兜率類輪王之化閻浮張蒼佐漢呂尙相周來赴勝會阜陶歌虞奚斯頌魯仰祈丕圖謹疏 今月 日疏 知事比丘 頭首比丘 勤舊比丘 西堂比丘

同門疏

慧峯湖月和尙製

同門茲審正法山妙心禪寺適虛主席特降 綸命起大休禪師於德雲精舍以補處於是昆季乎法系者聞此盛舉不堪忻抃胥率製疏從史厥駕云德雲相見別峯有水皆月虛堂徧歷諸老誰家不春寧曰知識難逢其奈學者多惑共惟新命妙心大休大禪師精神矍鑠手段標頭面壁得髓達磨拈華接大乘於赤縣頌古垂示雪竇落草評百則於碧巖窺孔韋之玄觸衡瘴之毒牀角七八尺藤杖寒時閣梨熱時閣梨擔頭一兩枝梅花者箇行李那箇行李商量南方佛法勃興東海兒孫未墜先宗是謂本色住鳥寺一巡罵祖宜急度生到鼇山連聲叫兄莫如同志

永正龍集丙子春三月 日疏

前大德宗恕 前妙心惠樹

前妙心宗緒 前妙心玄訥



前廣嚴永資 知慶 宗詮  
前大德宗棟

住駿州大龍山臨濟禪寺山門疏

駿州路大龍山臨濟禪寺山門欽奉大檀越源府君嚴命敦請靈雲大休大禪師住持本寺爲國開堂演法祝贊 皇圖萬安者右伏以虎丘振臨濟之正宗警西華山五千似駿河出圓通於安倍冠東海道十四州人待境境待人聖希天天希聖共惟新命堂上大休和尚大禪師名喧宇宙語帶煙霞吾師三門開堂說法第一智慧第一曾祖四月入寺住山八十行脚八十紫伽梨涵影禁池鳥跋華現瑞濁世靈雲山頭古月仰之彌高洛陽城裏秋風思不能忘美哉率陀五鳳修造宜也方丈大龍蟠居邦君負弩而前驅府主作疏以敦請文至歐蘇禪至妙喜得百世師俗若成康壽若高宗祝萬乘主謹疏 今月 日疏 知事比丘 頭首比丘 勤舊比丘

臨濟寺殿用山玄公大禪定門十三年忌拈香

就駿州臨濟寺修忌

前臨川江心西堂 天龍寺三秀院

這箇於過去則號沈水佛度生梅早而白分身之身法報應化於現在則稱香春佛出世杏晚而紅無說之說剝塵熾然凡同凡聖同聖方自方圓自圓栴檀世界栴檀如來煒煒煌煌于東國土蘆荀叢林蘆荀圍繞鬱鬱葱蔥于西竺乾本來無染至理絕詮燕卻之酬師恩者供養春日知識秋日知識插向之祝聖壽者逢著香山大仙雪山大仙江南螺甲以爲淺俗吳中鷓斑

猶是腥羶法從空處起人向鼻端參或時轉大法於九衢紅塵裏材收佛宮餘工有子來助或時取沈材於一燧黃雲邊功德具足八百芬芳遍滿大千薰籠字字相凝寫出鷲嶺文龍宮藏滿爐縷縷不絕織成鷄足彌熊耳棉冷笑趙宋善神几上現九代祖泥視匡廡法師社中集十八賢一雨普霑大根大莖大枝大葉諸漏已盡非木非空非火非烟將謂趙州柏樹元來崑崙蘭萼看看用山大禪定門憑這一炷薰力脫卻三界蓋纏直處與密教教主拔苦王同坐斷華臺寶蓮舉香云信手拈來無別物大龍山裏大龍涎娑婆世界南瞻部洲大日本國駿河州居住大功德主源朝臣義元天文十有七年三月十有七日伏值臨濟寺殿用山玄公大禪定門一十三白遠忌之辰預就于大龍山集緇流修白業彫刻大日覺王尊像者一軀法華妙典頓寓漸寫印寫若干部水陸妙供圓通妙懺各一會英檀自書壽量一品且演出十如是於十首和歌以筆墨成佛事者可尚矣自餘作善詳于僧官宣讀今當散筵嚴備香華燈燭茶菓珍饈謹命現前清衆同音諷演究竟堅固無上神咒之次拜請靈雲堂上大和尚陞座說法兼副命小比丘承董焚這乾陀羅耶供養本師釋迦牟尼大覺世尊東方藥師醫王善逝西方無量壽佛今日教主大日如來當來下生彌勒尊佛文殊普賢二菩薩現座道場觀音大士六道能化地藏願王西天東土歷代傳法諸祖開山七朝國師日本國內大小神祇天界地界冥府冥官各各駢駢等所集殊助奉爲大禪定門莊嚴報地滅除往愆茲承大禪定門年未而立易寶之日讓國於英檀賢弟維時禍難起蕭牆一日之中一戰而霸措國家於泰山安於是乎營仁祠而山號大龍寺扁臨濟夜禪晝誦淨侶之勤修者不知其員昔破庵與松源同出密庵門爲一



門二甘露破庵一傳至圓照三傳至佛國國師四傳至正覺國師松源道至正法師祖五世其昌爾來此兩派濫觴于大唐彌綸于大倭建法幢施法霈者不遑枚舉蓋英檀創建當寺之始勸請吾先國師爲開山祖以其先定光寺殿摹佛國道風而師其迹者也所以哉加之大禪定門與正法師祖異代同諱僉曰甚奇甚特且復大原禪師爲龍山山主晨鐘暮鼓禮樂一新月斧雲斤輪奐盡美頃日山門佛殿落成施修風手修造住持說法住持二難相并今日適際此忌辰而禪師傳英檀嚴命拜靈雲老師陞座普說山野亦附驥尾作蛙鳴累世通家左右逢源了先師未了因緣者乎桃花餘上巳風景於今朝宜也說法使靈雲和尚師子吼後木犀吐雙徑塢天香於三月耐亂道令圓照遠孫野干鳴先漸報漸報共惟臨濟寺殿用山大禪定門才色兼麗忠孝兩全今川之出源氏嫡流也碗伽河信度河縛芻河徙多河之衆水不足窺其涯涘用山之承清和後裔也普賢山仙人山白塔山負重山之奇峯何敢望厥層巖澄之不清清之不濁仰之彌高鑽之彌堅子房是英淮陰是雄可輔金卯赤帝趙昌之花邊鸞之雀不屑畫工黃筌高枕者遠江州水聲近聽凭欄則浮島原山色遙連善御乘夜白逸群盡爲王良闔國好駿馬平生臂海青敏捷常笑景升登臺呼鷹鶴事美一時語流千載道光九野德載八獎談兵合吳合孫孫子孟子吳子論語與家有文有武武王春王文王元年華胄燁燁瓜瓞綿綿牡丹海棠不名馳溫國年少譽芝蘭玉樹鍾秀擬謝家風流煽難兄難弟成行鴻鴈曰朋曰友盈座貂蟬地連三河之魏景移八境之虔振起秦範範政之先緒熟讀定家家隆之遺編曼卿豪於歌歐陽豪於文太白豪於詩歌詞妙絕芳聲藉藉胡照得其骨韋誕得其筋索靖得其

肉骨格超越筆勢翩翩遊藝則効薛嵩蹴鞠學射則勝羿氏控弦匪啻整三代禮樂矧又執一世威權獻治安策著勳業鞭河南河北從者無南無北關東關西歸者自東自西清見渴台星照臨雕輪咿軋宇度濱天人降下羽衣翩躚駐之無叫莫要去莫要去之鸚鵡勸之有呼不如歸不如歸之杜鵑烟光凝淺間之嶽頂橋聲報安倍之市鄭草木禽獸借恩光草木之主也禽獸之主也菟苑雉兔沐寵渥菟苑者往焉雉兔者行焉偉哉威孫有後乎魯智矣昭王致士於燕胸中自有丘嶽公餘多愛林泉五郎易之六郎昌宗望清標於玉座一人道安半人鑿齒引緇徒於門扇修隣好而以投木李以報瓊玖貴淳風之不剪茅茨不斲采椽雖云比蓋世成功之項羽可惜似不幸短命之顏淵去後木枯之森深秋寂寞至今田籠之浦佳月嬋娟三城帳屬昇平夢一曲鈴關悵望心因懷公居幕府萬里春從逐客來十年花送佳人老不圖吾赴齋筵願言居易歸兜率胡爲裴休生子闔何處深林覓鷗倭國富士入金華學士之句者風顛漢狩虎臨濟老師倡黃檗先師之禪與其觀夢幻泡影曷若挑廣續普聯此山接本色住持揭示妙門流通正法當處呵歷代諸祖掃蕩直指拂散單傳論什麼默時說時默談什麼偏中正正中偏向陰陽不到處會父母未生前了理上工夫事上工夫依佛陸互見普願成棒下正覺喝下正覺睥睨韓愈參大顛頓消衆罪霜露直領自己山川也太奇也太奇蹈倒鑊湯爐炭不動一步勿可把勿可把打破地獄天堂不勞一拳濁世現烏鉢虛空駕鐵船正與麼時香嚴童子出來妙語芳鮮曰如上所說不如棄捐之大禪定門受用三昧底不可以言宣洒洒落落雖本分歸田即今感英檀孝心向此法會象馭回旋絲之無量化菩薩挹袂拍肩山野瞻仰旃讚



歎旃以小祇夜一篇。

木人淚落暮春天，光景雖遷物不遷，聽麼燒香無譜曲，松風聲度十三絃。

景川和尚三十三回忌香語

松岳和尚

那伽三十有三年，舌上龍泉衝斗躡，莫道先師無此語，黃鸞啼破綠楊煙。

和松岳和尚韻

相國寺恕西堂

伊陽隔洛幾多年，仰見德星今聚躡，一雨過時百花發，春風吹起鷓鴣煙。

圓滿本光國師見桃錄卷之四 終

大正九年十二月十日印  
大正九年十二月十五日發行  
大正十一年七月廿五日再版印刷  
大正十一年七月卅一日再版發行

【國譯禪宗叢書】 第拾卷

編輯者兼

國譯禪宗叢書刊行會

右代表者

宮下軍平

印刷者

中島藤太郎

印刷所

神田印刷所

著作權所有  
((非賣品))

發行所

東京市神田區錦町一丁目  
十六番地(二松堂書店內)

國譯禪宗叢書刊行會

電話神田二四七八番  
振替東京四六〇一六番



寄行規

欽定大清會典事例

刑部

卷一百一十五

刑部

刑部

刑部

刑部

刑部

刑部



379

120



國譯禪  
宗叢書  
所不會



終